

敬

义

堂

诗

集

第

二

三

卷

敬義堂詩集

敬義堂詩集卷之二 庚寅集上

鶴山侯鼎芬薌田甫著

元月初八日 庚寅

雨細風和欲霽天溪山如畫倍澄鮮紅浮夕照搖難定
綠映朝雲斷復連傾榼尙餘迎歲酒探囊初算買舟錢
故園好景難拋却孤負韶光似去年

立春夜聞爆竹聲不寐

一輪新月照江城夜半喧闐炮竹聲伏枕驟驚愁裏夢
感時忽動客中情君平自信能高隱孺仲何須愧力耕
春思不隨寒漏盡鳥聲啼曙曉窗明

春日漫興

驟觀晴光百物生
邨原景色已頻更
莫將禮艷誇桃李
且把清吟和燕鶯
雨點春衫青欲濕
風搖池水碧難平
放懷試向西疇去
布穀聲中自課耕

雨夜

黑雲初散雨初停
電走長空閃岸青
人影波光看漸遠
照魚幽火兩三星

雨夜感懷

淒淒急雨助風狂
夢醒邯鄲意轉傷
誰信馬群空北冀
竟能龍臥起南陽
燈寒影暗疑將曙
屋漏聲多欲滿牀

不寐定教增旅思那堪愁結九迴腸

立秋夜

徹夜難成寐茫茫觸旅愁雨聲涼繞枕鈴語近侵樓身
被浮名誤家貽屢空憂流光那可駐明日又新秋

蓮心藕芽和韻四首

綠房紫葍墜秋雲剝盡餘甘苦漸分信是奇葩工醞釀
不教蜂蝶襲清芬

香同玉茗味如茶沃雪調冰適口無愧我熱中消未得

一杯清露勝醍醐

蓮心

何須翠蓋與紅妝自有奇姿暗裏藏任是淤泥終不染

亭亭出水近朝陽

翠簷黃螺繞畫舫微波搖動浸芳馨移根好向瑤池去

一樣生機藉地靈

藕芽

紙鳶五首

晚涼閒倚畫樓西紅抹輕雲落照迷放鶴幾家成好會
弦聲弓影互高低

腹飽秋風兩翼平鴉黃燕紫未分明書空漸有南飛雁
身在雲霄見亦驚

笑語喧聲隔院聞兒童解事正紛紛強將新論誇羊侃
丹詔何曾達援軍

百丈游絲上碧空
非關量遍未央宮
誰家巧試并州剪
飛入虛無縹緲中

遠傳天籟響悠悠
望月高高聽未休
競說風箏傳古製
有誰重憶漢宮秋

羊城七夕竹枝詞四首

七夕寒生應早秋
歡陳瓜果畫筵幽
鄰家更有辭仙約
心字香焚乞巧樓

雙星離恨幾曾消
相望盈盈一水遙
銀漢不須秋駕鵲
儂家點翠已成橋

新月高高欲滿庭
畫屏銀燭閃飛螢
夜闌莫漫愁光暗

巧製新添茉莉燈

珠江南岸是兒家
桂楫蘭航泛水涯
翠羽爲篷花作檻
波光輝映似星槎

散步出古勞

樹聲蕭颯鳥聲繁
石徑臨溪碧浪翻
擔壓魚蔬滿樽酒
趁墟人返夕陽村

再遊肇慶歸羊城

辛卯

記從人日來匆匆
僱輕舟破曉孤帆懸
遙溯春江流抵郡
甫經宿風塵且暫休
未幾穗城去旋爲
鈴峽遊出峽復入
峽山青水悠悠定
知滌塵慮更能散
春愁胡爲多

此行失意滋繁憂
蕭寺度寒食
強醉城東樓
聊復整行李
明朝端水頭
舟子似相識
殷殷訊來由
自笑塵勞客
忘機愧沙鷗

柳綫

纖纖垂柳已成叢
淺碧凝烟思不窮
贈別有情還帶雨
綰春無力自隨風
低縈冉冉離亭外
斜繫依依畫舫中
頗怪鶯梳閒未得
千絲纖罷絮漫空

秧鍼

芒

繡陌風和綠已勻
鍼茫出水嫩秧新
穿波細細浮青毯
射日纖纖漾碧塵
未許移根隨馬腹
已看脫穎礙魚鱗

最宜美蔭松梢畔坐聽聲聲布穀頻

鶯簧

楊柳千條匝地長曉鶯啼似炙新簧一簾風色喧殘雨
滿樹春聲送夕陽漫擬金籠作羈絆還調玉管共悠揚
安排斗酒雙柑去應爲詩人鼓吹忙

蛙鼓

黃梅時節雨初晴碧草池塘蛙亂鳴兩部笙歌時破睡
一年水旱預占聲琴聽葉底蟬輸響笛奏花閒蚓比清
何事公私勞問訊好隨羯鼓鬧江城

夏歸偶作

高槐細柳綠陰交
水際風涼露滴梢
野徑潮歸行迹少
溪船人聚語聲淆
春蠶三熟繅新繭
雛燕羣飛戀故巢
却幸鄉園好風景
一年佳興未全拋

初五夜觀月

新月倏西斜
微光漾淺沙
水寬魚隊散
岸狹蛤群譁
獨立影逾瘦
多愁鬢欲華
生涯思把釣
難得艇爲家

同竺雲兄舟中小飲

野水欲沈屋
卜居移小舟
波迴涼雨細
篷轉晚風遒
枯柳影猶密
短荷香正浮
尺鱗剛入饌
清飲爲君留

謝傅東山

四十光陰老此山布衣公輔動人寰白雲明月心常適
吹竹彈絲境自閒淝水勳名都意外冶城遐想總緣慳
路荒調馬秋風遍一爲蒼生去不還

庾信小園

敝廬人外足閒遊蝸角容身已數秋寒菜飽霜添旅思
疏桐滴露惹鄉愁尙餘江令蒼苔宅空盼湘東明月樓
怕讀蘭成小園賦平生蕭瑟意悠悠

李白酒樓

縱酒人間有謫仙巍樓孤峙碧雲連濟南春好花如醉
采石波澄月正圓坐盼青山歸檻外高吟黃鶴落樽前

憑誰畫壁添奇構敵得長安詩百篇

摩詰輞川

輞川周折綠波長樂隱閒居水作鄉酒罷恰宜新雨霽
琴調應趁晚風涼竹邊蒼翠痕如染花裏潺湲韻亦香
信是畫圖描不盡曾翻別集快評量

羅岡洞探梅四首

種得南枝又幾秋年年頻占百花頭未成春色香猶冷
能抱冬心品自幽放鶴好招浮白侶騎驢疑作踏青遊
搖鞭遠指榕坑樹笑問誰家碧玉樓

凝雲釀雨護高峯黃路均迷過客踪疏蕊撩人思化蝶

暗香隨我似游蜂
瑤臺幻景珠千斛
玉樹奇觀雪萬重
岑寂空山花若醉
隔林剛送一聲鐘

小小羅峯佛界閒
清遊携榼扣禪關
花園四壁僧非俗
幹峙雙松石不頑
翠羽迎人天欲暮
縞衣留影月銜山
酒醒夢斷知何有
空聽潺湲水一灣

龍田村北水西東
萬壑槎枒欲蔽空
風景恰當晴雪後
畫圖宜寫淡烟中
折憑玉腕花彌白
簪近朱顏色轉紅
絕勝羅浮春日麗
此行聊可傲坡公

榕院黃路均龍田名
水西俱是處地名

詠物詩八首

焦桐

向使知音杳長埋灰燼中良材遭賞識古調入絲桐燒
尾魚形別焚身象齒同存眞樗櫟貴榮落付秋風

蠹簡

愛食神仙字空留斷簡多遺文勞索隱故事費搜羅孔
壁篇難脩秦碑篆易訛紛騰嗤衆說飽腹莫相訶

殘畫

尺幅分裁日丹青妙入神存留多歲月容易化灰塵樹
古山仍瘦花寒水不春龍眠今已朽終恐乏傳人

舊劍

看劍雄心在時清匣裏橫莫教塵土染忍使繡紋生虎

躍空騰氣龍吟尙著聲韜光應有待莫燭斗牛明

破研

片石雲腴缺悠悠思不禁象形規半月論價憶千金蒼
壁痕應碎紅絲影欲沈猶留銘語在圭玷懷余心

廢檠

誰惜因人熱光騰紫燄高一朝甘放廢終古謝煎熬夜
雨愁俱遣秋風夢不勞何須照珠翠香氣雜蘭膏

塵鏡

皎皎虛堂鏡飛塵轉易汙照心應隱約鑒貌總模糊鸞
破雲彫鬢菱灰雪暗膚願教磨洗遍光澈勝冰壺

斷碑

鼃負終無力碑殘竟不支
風霜隨剝蝕苔蘚任繁滋
淮蔡韓文毀衡陽禹篆歆
猶堪傳萬古遺澤繫人思

長堤踏月

煙濤樓東戲院西
澄江如練月如珪
雕欄畫舫紅燈影
照澈平沙百丈隄

旅館春夜

壬辰

旅館坐長夜孤燈人未眠
忽聞檐溜響纔覺雨絲懸
鄉夢思前夕春愁憶去年
更逢上巳會慚讀阮瞻篇

辛亥壬辰戰藝再北僑寓郡城天寧寺東偏觀